

رسالة أب

يا واخذ ملامحك من جسمي

يا مكمل اسمك من اسمي

عكازي في الدنيا وسندي

او عاك في يوم تنساني يا ابني

لما السنين تكسر ضهري

ياما شفت من الدنيا الام

وشربت مرارة الأيام

وكتير بقيتك على نفسي

ولا اكلتك لقمة حرام

ياما دقت المر من الغربة

عشت ف نور وانا عشت في ضلمة

عشّان ما تدوقش اللي انا دقته

عشت سنينها كاني في تربة

كنت باخد واديك من عمري

عمر في يوم ما شكيت لك همي

كنت باحطّ اللقمة في بُقّك

ومنها يا غالي أنا باحرم نفسي

يمكن يوم بكلامي جرحتك

أو ضيّقت عليك وخنقتك

اعرف يا ابني إني باحبك

وإن دا كله عشّان مصلحتك

أنت صحيح مش فاكّر مني

غير صوتي العالي ونرفزتي

بكرة تخلف وتكون زيي

بكرة هتعرف قيمة الأب
بعد فوات الوقت يا ولدي
أيوه حقيقي الوقت اتغير
دلوقتي أنا زيك وانت صغير
عايزك زي ما كنت باعاملك
ترحم ضعفي، او عاك تتغير
لما الدنيا في يوم تحرمني
من نظري أو تتقل ودني
عايزك لما تشوفني احضني
علشان ريحتك بتطمني
او عى في يوم تنزهق مني
لما اتعب أو يكبر سني
يمكن دي آخر أيامي

حاول يا ابني تشبع مني

حاول يا ابني تشبع مني

أيوه العمر ساعات بتمرّ

زي الخيط عمال بيكّر

عمر ما شيء يفضل على حاله

ابني حبيبي رجاء مش أمر

لازم نؤمن بالأقدار

واعرف يا ابني انها أعمار

عيش خادم لآخواتك وأمك

عايزك تبقى مكاني في الدار

عايزك تبقى مكاني في الدار

